

傷寒雜病論讀本

章炳麟題

精



傷寒雜病論卷八

長安黃維翰竹齋校訂

藏府經絡先後病脈證第一

此篇「羅本」
作雜病例

問曰、上工治未病、何也。師曰、夫治未病者、見肝之病、知肝傳脾、當先實脾。四季脾王、不受邪、卽勿補之。中工不曉相傳、見肝之病、不解實脾、惟治肝也。夫肝之病、補用酸、助用焦苦、益用甘味之藥調之。酸入肝、焦苦入心、甘入脾。脾能傷腎、腎氣微弱則水不行、水不行則心火氣盛、則傷肺。肺被傷、則金氣不行。金氣不行、則肝氣盛、則肝自愈。此治肝補脾之要妙也。肝虛則用此法、實則不在用之。經曰、虛虛實實、補不足、損有餘、是其義也。餘藏

準此。

傷腎「三因方」作制腎不在用之「羅本」作不可用之虛虛實實作勿虛虛勿實實

夫人稟五常因風氣而生長風氣雖能生萬物亦能害萬物如水能浮舟亦能覆舟若五藏元真通暢人卽安和客氣邪風中人多死千般痰難不越三條一者經絡受邪入藏府爲內所困也二者四肢九竅血脈相傳壅塞不通爲外皮膚所中也三者房室金刃蟲獸所傷以此詳之病由都盡若人能養慎不令邪風干忤經絡適中經絡未流傳府藏卽醫治之四肢才覺重滯卽導引吐納鍼灸膏摩勿令九竅閉塞更能無犯王法禽獸災傷房室勿令竭乏服食節其冷熱苦酸辛甘不遺形體有衰病則無由入其腠理腠者是三焦通會元真之處爲血氣所注理

者。是皮膚藏府之文理也。

稟〔徐沈本〕作秉眞〔正脈本〕作貞才〔趙本〕作纔○痰丑刃切音疹

問曰。病人有氣色見於面部。願聞其說。師曰。鼻頭色青。腹中痛。

苦冷者死。

〔原注〕一云腹中冷若痛者死

鼻頭色微黑者。有水氣。色黃者。胸上有寒。

色白者。亡血也。設微赤。非時者死。其曰正圓者。瘥。不治。又色青。

爲痛。色黑爲勞。色赤爲風。色黃者便難。色鮮明者有留飲。

瘥〔正脈本〕

作瘥今從〔尤魏金鑑本〕改正後仿此

師曰。病人語聲寂然。喜驚呼者。骨節間病。語聲暗暗然不徹者。

心膈間病。語聲啾啾然細而長者。頭中病。

〔原注〕一作痛○寂然〔喻徐尤陳〕作寂寂然

師曰。息搖肩者。心中堅。息引胸中上氣者。欬。息張口短氣者。肺。

痿唾沫。

師曰。吸而微數。其病在中焦。實也。當下之。卽愈。虛者不治。在上焦者。其吸促。在下焦者。其吸遠。此皆難治。呼吸動搖振振者。不治。

師曰。寸口脈動者。因其王時而動。假令肝王。色青。四時各隨其色。肝色青而反色白。非其時色。脈皆當病。

問曰。有未至而至。有至而不至。有至而不去。有至而太過。何謂也。師曰。冬至之後。甲子夜半。少陽起。少陽之時。陽始生。天得溫。和。以未得甲子。天因溫和。此爲未至而至也。以得甲子。而天未溫和。爲至而不至也。以得甲子。而天大寒不解。此爲至而不去也。以得甲子。而天溫和如盛夏。五六月時。此爲至而太過也。



師曰、病人脈浮者在、前其病在表、浮者在後、其病在裏、腰痛背強不能行、必短氣而極也。

問曰、經云、厥陽獨行、何謂也、師曰、此爲有陽無陰、故稱厥陽。

問曰、寸脈沉大而滑、沉則爲實、滑則爲氣、實氣相搏、血氣入藏、卽死、入府卽愈、此爲卒厥、何謂也、師曰、唇口青、身冷、爲入藏、卽

死、如身和汗自出、爲入府、卽愈。〔脈經〕入府作入於肺府身和作身溫和

問曰、脈脫入藏卽死、入府卽愈、何謂也、師曰、非爲一病、百病皆然、譬如浸淫瘡、從口起、流向四肢者、可治、從四肢流來入口者、不可治、病在外者可治、入裏者卽死。

問曰、陽病十八、何謂也、師曰、頭痛、項、腰、脊、臂、脚、掣痛、陰病十八、

何謂也。師曰：欬、上氣、喘、噦、咽、腸鳴、脹滿、心痛、拘急。五藏病各有

十八，合爲九十病。人又有六微，微有十八病。

人下「羅本」作六，府病各有十八。

合爲

一百八病。五勞、七傷、六極，婦人三十六病，不在其中。清邪居上，

濁邪居下。大邪中表，小邪中裏。榮飪之邪從口入者，宿食也。五

邪中人，各有法度。風中於前，寒中於暮，溼傷於下，霧傷於上。風

令脈浮，寒令脈急，霧傷皮腠，溼流關節，食傷脾胃，極寒傷經，極

熱傷絡。

榮飪「趙本」「徐鎔本」作榮飪「全書」作榮飪。今依「尤本」改正。榮榮通穀飪音託。

問曰：病有急當救裏，救表者，何謂也？師曰：病醫下之，續得下利，

清穀不止，身體疼痛者，急當救裏，後身體疼痛，清便自調者，急

當救表也。

夫病痼疾，加以卒病，當先治其卒病，後乃治其痼疾也。

師曰：五藏病各有得者愈，五藏病各有所惡，各隨其所不喜者

爲病。病者素不應食，而反暴思之，必發熱也。

〔徐尤陳本〕得上有所字
程雲來曰：暴思之，婁全善

作暴食

之爲是

夫諸病在藏，欲攻之，當隨其所得而攻之，如渴者與豬苓湯，餘皆倣此。

瘧溼暍病脈證并治第二

太陽病發熱無汗，反惡寒者

〔羅本〕若脈沉遲

名曰剛瘧

〔甲乙經〕無反字

太陽病

發熱汗出而不惡寒

〔羅本〕若脈浮數

名曰柔瘧

太陽病發熱，脈沉而細者，名曰瘧，爲難治。

太陽病發汗太多，因致瘕。夫風病下之，則瘕復發汗，必拘急。

瘕家雖身疼痛，不可發汗。汗出則瘕。病者身熱，足寒，頸項

強急，惡寒，時頭熱，面赤，目赤，獨頭動搖，卒口噤，背反張者，瘕病

也。

〔傷寒論〕「千金翼」目下有脈字

若發其汗者，寒溼相得，其表益虛，卽惡寒甚，發其汗已，其脈如

蛇。

〔原注〕「一云其脈澹澹」

暴腹脹大者，爲欲解。

〔羅本〕作爲未解

脈如故反。

〔羅本〕作反

伏弦

者，瘕。

〔正脈本〕若發其汗六句與上節合〔金鑑〕云當移於此條之首文義始屬今從

夫瘕脈按之緊如弦，直上下行。

〔原注〕「一作樂樂而弦」

瘕病有灸瘕難治。

太陽病其證備，身體強，几几然，脈反沉遲，此爲瘕。栝樓桂枝湯

主之。

栝樓桂枝湯方

栝樓根

二兩

桂枝

三兩

芍藥

三兩

甘草

二兩炙

生薑

三兩切

大棗

十二枚擘

右六味以水九升、煮取三升、分溫三服、取微汗、汗不出、食頃

啜熱粥發

太陽病、無汗、而小便反少、氣上衝胸、口噤不得語、欲作剛瘧、葛

根湯主之。

瘧爲病、

「原注」一本瘧字上有剛字

胸滿、口噤、臥不著席、脚攣急、必齮齒、可與大

承氣湯。



太陽病、關節疼痛而煩、脈沉而細

〔原注〕一作緩

者、此名溼痹。

〔原注〕玉函云中溼

溼

痹之候、小便不利、大便反快、但當利其小便。

溼家之爲病、一身盡疼

〔原注〕一云疼煩

發熱、身色如熏黃也。

溼家其人、但頭汗出、背強、欲得被覆向火。若下之早、則噦、或胸

滿、小便不利

〔原注〕一云利

舌上如胎者、以丹田有熱、胸上有寒、渴欲得

飲、而不能飲、則口燥煩也。

溼家下之、額上汗出、微喘、小便利

〔原注〕一云不利

者死。若下利不止者、

亦死。

風溼相搏、一身盡疼痛、法當汗出而解。值天陰雨不止、醫云此可發汗、汗之病不愈者、何也。蓋發其汗、汗大出者、但風氣去、溼

氣在是故不愈也。若治風溼者，發其汗，但微微似欲出汗者，風溼俱去也。

溼家病，身疼發熱，面黃而喘，頭痛鼻塞而煩，其脈大，自能飲食，腹中和，無病。病在頭中寒溼，故鼻塞，內藥鼻中則愈。

溼家身煩疼，可與麻黃加朮湯，發其汗為宜。慎不可以火攻之。

〔正脈本〕

火作大

麻黃加朮湯方

麻黃

三兩
去節

桂枝

二兩
去皮

甘草

二兩
炙

杏仁

七十箇
去皮尖

白朮

四兩

右五味，以水九升，先煮麻黃減二升，去上沫，內諸藥，煮取二升半，去滓，溫服八合，覆取微似汗。

病者一身盡疼、發熱、日晡所劇者，名風溼。此病傷於汗出當風，或久傷取冷所致也。可與麻黃杏仁薏苡甘草湯。

麻黃杏仁薏苡甘草湯方

麻黃

去節半兩湯泡

甘草

一兩炙

薏苡仁

半兩

杏仁

十箇去皮尖炒

右剉麻豆大，每服四錢匕，水盞半，煮八分，去滓溫服，有微汗

避風

「輯義」此方劑小而煎法與諸方異，蓋後人所改定。外臺脚氣門卻是原方。

「外臺」療溼家始得病時，可與薏苡麻黃湯方。薏苡半升，麻黃去節四兩，甘草炙杏仁各二兩。右四味咬咀，以水五升，煮取二升，分再服，汗出即愈。

風溼脈浮，身重，汗出惡風者，防己黃耆湯主之。

防己黃耆湯方

防己

一兩

甘草

半兩炒

白朮

七錢半

黃耆

一兩一分去蘆

右剉麻豆大每抄五錢匕生薑四片大棗一枚水盞半煎八分去滓溫服良久再服。

喘者加麻黃半兩。胃中不和者加芍藥三分。氣上衝者

加桂枝三分。下有陳寒者加細辛三分。服後當如蟲行

皮中從腰下如冰後坐被上又以一被繞腰下溫令微汗差。

冰〔趙喻本〕〔全書〕作水○〔輯義〕此方分

兩煎法亦係于後人改定千金卻是原方

〔千金〕療風溼脈浮身重汗出惡風方 漢防已四兩白朮三兩甘草炙二兩黃耆五兩大棗十二枚擘生薑三兩 右六味咬咀以水六升煮取三升分三服服了坐被中欲解如蟲

行皮中

取汗

傷寒八九日風溼相搏身體疼煩不能自轉側不嘔不渴脈浮虛而濇者桂枝附子湯主之若大便堅小便自利者去桂加白



朮湯主之。

桂枝附子湯方

方見太陽下篇

白朮附子湯方

白朮

二兩

附子

一枚半
炮去皮

甘草

一兩
炙

生薑

一兩
半切

大棗

六枚

右五味以水三升，煮取一升，去滓，分溫三服。一服覺身痹，半日許再服，三服都盡，其人如冒狀，勿怪，卽是朮附並走皮中，逐水氣未得除，故耳。

風溼相搏，骨節疼煩，掣痛不得屈伸，近之則痛劇，汗出短氣，小便不利，惡風不欲去衣，或身微腫者，甘草附子湯主之。

太陽中暈，發熱惡寒，身重而疼痛，其脈弦細，牀遲，小便已，瀉瀉。

然毛聳手足逆冷。小有勞身卽熱。口開前板齒燥。若發其汗。則惡寒甚。加溫鍼。則發熱甚。數下之。則淋甚。喝音調。灑蘇很切。○「羅本」白虎加桂枝人參芍藥湯主之。

太陽中熱者。喝是也。汗出惡寒。身熱而渴。白虎加人參湯主之。太陽中喝。身熱疼重。而脈微弱。此以夏月傷冷水。水行皮中所

致也。一物瓜蒂湯主之。「羅本」豬苓加人參湯主之。一物瓜蒂湯亦主之。

一物瓜蒂湯方

瓜蒂 二七
個

右剉以水一升。煮取五合。去滓頓服。

百合狐惑陰陽毒病脈證并治第三

論曰。百合病者。百脈一宗。悉致其病也。意欲食。復不能食。常默

傷寒雜病論卷下 八 黃氏醫學叢書之三



默欲臥不能臥、欲行不能行、飲食或有美時、或有不聞食臭時、如寒無寒、如熱無熱、口苦、小便赤、諸藥不能治、得藥則劇吐利、如有神靈者、身形如和、其脈微數、每溺時頭痛者、六十日乃愈。若溺時頭不痛、漸然者、四十日愈。若溺快然、但頭眩者、二十日愈。其證或未病而預見、或病四五日而出、或病二十日、或一

月微見者、各隨證治之。

微見「千金」作後見

百合病發汗後者、百合知母湯主之。

百合知母湯方

百合 七枚 知母 三兩
切

右先以水洗百合漬一宿、當白沫出、去其水、更以泉水二升、

